



## Reforma policije je nepravedan uvjet

T. Lazović Dnevni Avaz  
November 9, 2007

### Gerald Knaus, direktor ESI-ja, za "Avaz" - Nijedna zemlja u regionu nije imala takvu reformu kao uvjet za zaključenje SAA - Najbolja pomoć jeste ubrzanje integracije BiH u EU.

Evropska unija nije fer prema BiH zato što kao uvjet za potpisivanje Sporazuma o stabilizaciji i pridruživanju (SAA) postavlja reformu policije, kaže u razgovoru za "Dnevni avaz" direktor nezavisnog Instituta za evropsku stabilnost (ESI) Gerald Knaus.

#### Posljednja događanja

- Time je međunarodna zajednica doprinijela krizi u BiH, koja u suštini traje od kada se vidjelo da BiH ne može ispuniti taj uvjet, dok je parafiranje SAA sa Srbijom zabrinjavajući signal. Da on nije postavljen pred BiH još u julu 2004. godine, sada biste imali potpisan SAA najmanje dvije godine, a vjerovatno je da biste već aplicirali za status kandidata za članstvo u EU - navodi Knaus.

Kao analitičar prilika u BiH i regionu, on u ekskluzivnom razgovoru za naš list navodi drukčiji pogled na posljednja događanja. Ističe da Brisel ne vidi objektivnu sliku o BiH, koja je mnogo bolja nego što se to može zaključiti iz sadašnje političke krize, za razliku od stanja u Srbiji.

- Velika je razlika u percepciji BiH i realnosti. Ako pogledate bosansko društvo, uključujući i administraciju u posljednjih pet godina, nije pravedno reći da nema

napretka. Još je nepravednije ako BiH uporedite s nekom od susjednih država. U Srbiji je na čelu najveće partije čovjek optužen za ratne zločine - kaže Knaus.

Prema njegovim riječima, nema opravdanog razloga za insistiranje na reformi policije kao preduvjetu za evropske integracije.

- Dovoljno je uporediti policiju u BiH s drugima u regionu. Bh. policija provjeravana je barem dva puta posljednjih godina, dok u Srbiji imate hiljade ljudi u policiji koji su povezani s ozbiljnim ratnim zločinima. Broj ubistava u BiH je trećina stope u baltičkim zemljama, koje su članice EU. Stopa kriminala veoma je niska u poređenju sa zemljama istočne Evrope. Nijedna zemlja u regionu nije imala takvu reformu policije kao uvjet za zaključenje SAA - ističe Knaus.

Govoreći o trenutnoj političkoj krizi u BiH i utjecaju pitanja rješavanja statusa Kosova na BiH, navodi da "treba napraviti razliku između krize u BiH, koja traje duže vrijeme zbog reforme policije, i aktuelnog pitanja Kosova."

*Cjelokupan tekst dostupan je čitaocima "Dnevnog avaza" i pretplatnicima online izdanja...*